

東

華

錄

東華錄

康熙十一

臣王先謙敬編

臣周瀚蕃恭校

康熙十年辛亥春正月丙寅貴州巡撫佟鳳彩奏請回旗終養允之○丁卯以蘇尼特及四子部落地方青草不生又兼雪大牛羊倒斃者殆盡差戶部理藩院官各一員動支宣府歸化城倉粟賑濟○戊辰靖南王耿繼茂奏臣父子祖孫受國厚恩忝列王爵捐軀報效乃臣職當然乃臣自去年八月至今舊疾日劇閩省濱海重地盜賊蠢動不測病軀豈能料理臣長子耿精忠侍從多年在臣軍前閱歷又經四載儘堪報效伏祈恩賜管理軍務俾祇奉簡書以任國事得旨覽王奏積勞成疾情詞懇切准伊子耿精忠暫管軍務王仍加意調理痊愈副朕倚任至意○辛未禮部尚書恩

額得以病乞休命以原品致仕○癸酉冊封 世祖章皇帝第五

子常甯爲和碩恭親王○乙亥以羅多爲山西陝西總督由河道總督遷

○丁丑諭兵部各部院及各省將軍衙門通事原因滿兵不曉漢

語欲令傳達而設今各滿洲官員既諳漢語嗣後內而部院外而

各省將軍衙門通事悉罷之○戊寅以祁徹白爲禮部尙書原任○

庚辰大學士魏裔介以病乞休命回籍調理○以曹申吉爲貴州

巡撫由吏部右侍郎遷○辛巳大學士等奏品級考告成命刊刻遵行

二月甲申雲南貴州總督甘文焜奏番目俄四阿蜡卒等率眾投

誠下部議敘○己丑以王光裕爲河道總督由左副都御史遷○壬辰刑

部左侍郎張爾素以病乞休允之○予故致仕散秩大臣唐通祭

葬○丁酉以馮溥爲文華殿大學士由刑部尙書遷○戊戌以梁清標爲

刑部尙書原任禮部尙書○己亥 上御經筵○壬寅以佟宏器爲左副

都御史

山大理寺卿遷

○甲辰以陳鼓永爲吏部右侍郎

由東閣學士遷

○予故

承恩伯周全斌祭葬加祭二次諡恪順○乙巳諭宗人府凡覺羅

中行輩最長年七十以上者具以名聞尋宗人府開列覺羅趙班

等四人奏入皆召見乾清門各賜銀兩段匹及朝衣一襲○丙午

轉馬紹曾爲刑部左侍郎以高珩爲刑部右侍郎

由左副都御史遷

○丁

未命編纂孝經衍義○己酉考察八旗官○是月免直隸行唐浙

江石門江西新喻等二十縣荒地賦行唐等三縣廢地永除其租

免浙江加增屯餉

三月壬子朔諭年幼諸王曰聞爾等恃威行事豈果有所利耶夫

無益之威逞之何用爾等皆朕懿親人自敬畏至於所屬在外官

員原爲國家治事理民爾等若勒索其財物彼何所取而應奉耶

宜以時矧習騎射暇則讀書毋徒溺於嬉戲也又諭和碩安親王

岳樂曰爾在諸王中以齒則高以行則長若年幼諸王率意妄爲爾其訓迪之○癸丑置日講官○庚午諭禮部今歲三春無雨風霾日作耕種愆期民生何賴皆由朕躬涼德政治未協大小臣工不能殫忠爲國恪修職業瞻顧因循惟圖自便偏私怠忽致干天和朕用是夙夜靡甯深切儆惕今實圖修省勵精勤政體上帝仁愛之意感召休和爲民請命內閣六部都察院等衙門大小官各有職掌皆宜體朕倚任之意共效贊襄持廉秉公克盡厥職洗心滌慮痛改前非以迓天庥爾部卽遵諭通行申飭

夏四月壬午朔吏部題鑲黃旗拖沙喇哈番阿哈密故無子弟承襲世職應銷其母年老無依請給與半俸嗣後均照此例若係繼母不准給予得旨繼母亦母也其與生母一體給俸著爲令○兵部議覆雲南貴州總督甘文焜奏安南國人阮福祿因獲罪伊國

求投內地查安南爲本朝屬國阮福祿既係有罪逃來不便收留
應交還安南處置從之○癸未復設山西雁平巡道河東守道○
戶部遵旨議覆准場饑民應發銀六萬兩速行賑濟得旨饑民待
食甚迫與銀無益著截留漕糧六萬石併各倉米四萬石遣侍郎
田逢吉並賢能司官二員會同該督撫賑濟散給務使饑民得霑
實惠以副朕軫恤民生至意○乙酉諭內閣翰林院致治之道無
過法祖鑒於成憲乃罔有愆欽惟 太祖高皇帝開天垂統 太
宗文皇帝式廓鴻圖規模鴻遠啟佑無疆朕御極以來景仰 先
猷時切儀型之念 世祖章皇帝曾命儒臣纂修 太祖 太宗
聖訓雖具彙呈進未經裁定頒布茲特命圖海李蔚爲總裁官折
爾肯折庫納熊賜履爲副總裁官達哈塔楊正中等十員爲纂修
官滿漢臚錄官各四員滿漢收掌官各四員悉依前式分別義類

重加考訂勒成全書朕得以朝夕觀覽是訓是行亦俾子孫率由無斁卿等膺茲委任須恪恭勤勵務期早竣以副朕觀光揚烈至意○命宗室中除大罪革職人員外閒散宗室子弟年十八以上及無父之子俱照披甲例給以銀米養贍○丙戌諭刑部等衙門邇來天氣亢旱不雨或因刑獄淹禁中有冤枉亦未可知爾等將見禁人犯詳加清理如有可矜疑者照例減等發落其見審人犯亦速爲審理有應減等者卽與減等應釋放者亦行釋放務期獄無冤滯以迓天和尋刑部等衙門議以斬絞人犯王三元等十一人請減等免死從之○戊子以科爾沁達爾漢親王班第尙和碩公主授爲和碩額駙○辛卯始命日講官進講○壬辰上親詣天壇祈雨○甲午雨○丙申戶部議准江南江西總督麻勒吉等奏吳淞江劉河口係蘇松常杭嘉湖洩水要道應建閘開濬請

以各府漕銀十四萬兩留充河工經費卽均派六府所屬之地
分年按款徵輸還項得旨被災州縣復令多派還項恐苦累小民
著免其派徵○御史徐越奏各省巡撫應飭兼管軍務以便戢盜
安民得旨各省巡撫不必概令管兵其不設總督提督各省分副
將以下各武官令巡撫兼轄○己亥 皇子承慶薨○庚子 上

以正白旗故都統伯石廷柱效力行間年久著有勞績追賜立碑
○壬寅諭吏部朕觀侍郎嚴正矩章雲鷺通政使霍叔瑾才具庸
常不能盡職俱著以原品致仕○戊申命京口察事吏部侍郎覺
羅勒德洪將京口將軍李顯貴鎮江府知府劉元輔並江南江西
總督麻勒吉及訐告兵丁侯進孝等同帶來京聽勘○兵部右侍
郎羅敏以年老乞休允之○己酉轉田逢吉爲戶部左侍郎調劉
鴻儒爲戶部左侍郎管右侍郎事

由兵部調

○雲南巡撫李天浴奏請

終養允之○是月免直隸文安縣水埧地賦

五月甲寅以班迪爲兵部右侍郎

由一等侍衛遷

○兵部尙書科爾科代

自陳求罷命以原品隨旗上朝○以吳正治爲兵部督捕左侍郎

原任工部左侍郎

○予故靖南王耿繼茂祭葬諡忠敏○予故原任工部

尙書額赫里祭葬○己未吏部左侍郎岳思泰自陳求罷命以原品致仕○庚申諭兵部武官有防守地方緝捕盜賊之責必弓馬熟嫻方能勝任其稱職者雖總兵提督有不時糾參之例但與其糾參之後貽誤地方不如於選授之時詳加選擇以後除見任推升各員外凡係應到部掣籤之官爾部卽考驗其弓馬然後令其掣籤如有不堪者具題照例給以原品頂帶停其補授○內大臣理藩院尙書喀蘭圖年老乞休得旨喀蘭圖效力年久勞績素著准解尙書任以內大臣上朝仍加授太子太保○辛酉以安世鼎

爲湖廣布政使

由江西按察使遷

○壬戌轉冀如錫爲兵部左侍郎以楊

永甯爲兵部右侍郎

由左副都御史遷

○安徽巡撫張朝珍丁母憂命回

旗守制

○增陝西潼商守道漢興巡道○庚午左都御史艾元徵

奏

世祖章皇帝時於出位妄言及風聞失實者皆立加懲處以

風聞言事伐異黨同挾詐報復故也嗣後果有確見關繫政治及

大奸隱弊仍無論有無言責悉聽其指實陳奏外餘並不許以風

聞浮詞擅行入告下部議行○辛未轉覺羅勒德洪爲吏部左侍

郎調覺羅舒恕爲吏部左侍郎管右侍郎事

由兵部督捕左侍郎調

○以朱

國治爲雲南巡撫

原任江甯巡撫

○內升仍管戶科給事中姚文然奏江

南百姓羣集鼓廳保留總督麻勒吉且云麻勒吉自被鎖拏顏黑

面削腰項拳曲臣聞之惻然竊思官列大僚素叨養免冠帶鎖

愧辱難堪伏乞

皇上特降恩綸寬其鎖繫至於所犯事情審有

實據自有應得之罪則朝廷一定之法與 皇上格外之恩並行

而不悖矣得旨這本說得是以後官員得罪鎖禁鎖拏著永行停

止○壬申以姚文然爲左副都御史由給事中遷○癸酉 上幸南苑

行圍○丙子諭宗人府吏部兵部嗣後王以下及文武各官處分

罰銀及問以應得之罪應否酌量其情罪改爲罰俸著確議以聞

○戊寅以阿穆瑚瑯爲理藩院尙書由右侍郎遷○調多諾爲兵部督

捕左侍郎由刑部調

六月辛巳 上還宮○壬午諭理藩院聞蘇尼特等八旗人民被

災牲畜俱死難以存活朕心實爲惻然爾部會同禮部太僕寺將

馬場之馬與禮部所管之牛羊酌量派出賞給被災之民○癸未

以折爾肯爲刑部右侍郎出中和殿學士遷○丁亥以靳輔爲安徽巡撫

由武英殿學士遷○宗人府等衙門遵旨議覆嗣後王以下及文武官有

應得之罪處分者各量其罪之輕重改罰銀爲罰俸自一月遞增

至一年從之○癸巳以博羅特爲理藩院右侍郎

由一等侍衛遷

○甲午

金星晝見○追諡和碩禮親王代善曰烈和碩饒餘親王阿巴泰

曰敏和碩承澤親王碩塞曰裕和碩襄親王博穆博果爾曰昭和

碩穎親王薩哈廉曰毅和碩簡親王濟度曰純多羅豫郡王多鐸

曰通多羅謙郡王瓦克達曰襄多羅衍禧郡王羅洛渾曰介多羅

敏郡王勒度曰簡多羅郡王精濟曰懷愍多羅順承郡王勒克德

渾曰恭惠○乙未四川湖廣總督蔡毓榮奏蜀省有可耕之田而

無耕田之民招民開墾洵屬急務但招民限以七百名之例所費

不貲能招徠者甚少臣謂非廣其招徠之途減其開墾之數寬其

起科之限必不能有濟請飭部准開招民之例如候選州同州判

縣丞等及舉貢監生生員人等有力招民者授以署職之銜使之

招民不限年數不拘蜀民流落在外及各省願墾荒地之人統以三百戶爲率俟三百戶民盡皆開墾取有地方甘結方准給俸實授本縣知縣其本省見任文武各官有能如數招民開墾者准不論俸滿卽升又蜀省隨征投誠各官俟立有軍功咨部補用者能如數招民開墾照立功之例卽准咨部補用其開墾地畝准令五年起科如此則人易爲力而從事者多殘疆庶可望生聚矣下吏戶兵三部會同議行○丁未以故靖南王耿繼茂子和碩額駙耿精忠襲爵○已酉以羅森爲四川巡撫由甘肅布政使遷○戶部議准山東巡撫袁懋功奏都司一官原爲管轄衛所錢糧而設各省皆責令督催考成獨東省係各府催徵請照各省之例改歸都司管轄從之

秋七月甲寅翰林院掌院學士熊賜履告假省親得旨熊賜履著

速去速來此員缺不必銓補○丙辰予故致仕大學士車克祭葬
諡文端○丁巳刑部等衙門會審京口將軍李顯貴鎮江府知府
劉元輔及總督麻勒吉等一案查將軍李顯貴通同知府劉元輔
違例折給兵丁草料浮算帑銀李顯貴劉元輔應照例擬斬監候
劉元輔因父劉澤溥殉難山西應免死枷號鞭責總督麻勒吉巡
撫馬祜不早行題參應降三級調用副都統張元勳張所養各降
一級革去世職得旨李顯貴身爲將軍職任封疆重寄乃侵剋兵
餉大負委任劉元輔雖伊父有死難之功婪贓犯法情罪重大俱
依擬應斬著俟秋審後處決麻勒吉馬祜各削去加一級仍降二
級免其調用張元勳張所養各削去加一級並革去恩詔所得一
拜他喇布勒哈番仍留原任○己未以高翼辰爲湖廣按察使由陝
西挑峽道黃龍爲江西按察使由四川永甯○癸亥浙江巡撫范

副使遷

道副使遷

承謨因病請解任命乘驛回京調理病痊起用○甲子諭刑部近聞流徒盛京等處人犯押解官兵將犯人妻子恣行陵辱或將犯人潛害致死以後爾部嚴飭押解官兵如有此等事犯從重治罪仍轉傳戶兵二部○己巳以色特爲陝西布政使由山西按察使遷○丙子調袁懋功爲浙江巡撫由山東調○戊寅國子監祭酒查祿奏太學爲教化本源之地查順治八年十一年曾令各省學臣選取生員文行兼優者起送赴監今宜遵倣此例於郡邑各庠或聞一年或聞四五年舉文行兼優年齒少壯者一人入太學更請照 世祖章皇帝時舊制每科直隸各省鄉試各取副榜若干名送監肄業如此則學宮多經明行修之士矣下部議行○是月免山東館陶直隸霸州安肅等二十八州縣被災額賦有差

八月乙酉朔日有食之○福建總督劉斗奏海寇自撤水師之後

帆檣出沒侵犯靡常甚至在各島嶼蓋造房舍臣等密商機宜配發水陸官兵陸續接剿今已接剿六十餘島斬溺賊眾五千三百八十餘人○戊子左都御史明珠奏請停止鹽差御史巡歷地方從之○已丑以張鳳儀爲山東巡撫

由文華殿學士遷

○癸巳增內閣滿

洲學士四漢軍學士二漢學士二滿字侍讀學士二滿漢字侍讀學士二蒙古侍讀學士二漢軍侍讀學士二滿字侍讀四滿漢字侍讀四蒙古侍讀二漢軍侍讀二○以寶音達禮爲山西按察使

由給事中遷

○甲午設立起居注命日講官兼攝增漢日講官二滿漢

字主事二滿字主事一漢軍主事一○丁酉工部右侍郎高辛印

以病乞休命回籍調理○丁未 上御經筵○諭吏部前因浙江

巡撫范承謨患病准其回京調理將山東巡撫袁懋功調補今據兩省提督奏稱百姓愛戴號泣請留情詞懇切特順民情俱各留

東雪錄 原任新授山東巡撫張鳳儀著候另缺推補○是月免直隸豐潤縣旱災額賦

九月己酉朔雲南貴州總督甘文焜丁母憂命在任守制○庚戌

上以寰宇一統躬詣 太祖 太宗山陵展祭行告成禮前期

告祭 太廟○辛亥 上奉 太皇太后 皇太后啟鑾○丁卯

上謁 福陵○戊辰 上詣 福陵陳牲帛於 隆恩殿讀祝

行告成禮○己巳復詣 福陵致祭如前儀 上周視盛京內外

城池城內外老幼跪列道旁凡年老及鰥寡孤獨皆賜銀兩又諭

盛京將軍阿穆爾圖查披甲被傷老病退甲閒散之人以聞○庚

午 上詣 昭陵行告成禮○辛未復詣 昭陵致祭皆如 福

陵禮○遣王貝子內大臣等詣 永陵致祭○是日 上入盛京

城御清甯宮大清門設儀仗奏樂召盛京將軍副都統侍郎年老

致仕都統副都統侍郎及 永陵 昭陵 福陵總管以下見任
解任文武大小官員宴賚有差宴畢 上又召將軍都統副都統
侍郎總管等官至 御前親以金甌賜酒其餘官員命內大臣等
徧賜之又召年八十以上耆民至御前賜酒願謂侍臣等曰朕展
謁 山林惓惓在念今得至發祥重地拜謁 陵寢用展孝思祭
禮已成朕懷大慰侍臣等奏曰 皇上親詣 祖陵告成致祭古
帝王所未有也又召披甲被傷老病退甲閒散四百餘人至 御
前各賜銀兩諭將軍阿穆爾圖等曰此等閒散老病之人如有一
二遺漏未霑恩澤者爾等查出陸續奏聞俾得均霑恩惠以示朕
軫恤之意又賜披甲執役人等銀兩又召將軍阿穆爾圖副都統
葉爾素鄂泰侍郎納桑阿哈爾松阿杭愛敖色等諭曰此方人民
淳樸訟獄事簡無甚難理爾等膺荷委任惟撫輯軍民愛養招徠

滿漢人民悉賴農業須多方勸諭開墾耕種俾各遂生計以副朕
惓念發祥重地之意又諭守陵總管副總管曰爾等職司典祀
凡一應祭品爾等必親加虔視務盡誠敬副朕孝思又命發銀二
萬兩賞甯古塔兵丁又諭戶部等部侍郎曰奉天係祖宗發祥
重地奉天府甯古塔等處除十惡死罪不赦外凡已結未結死罪
俱著減等其軍流徒杖等俱著寬釋自山海關至奉天府所屬地
方康熙十年十一年分正項錢糧俱著豁免以示朕加恩之意○
遣官祭諸王暨功臣墓○壬申上以告成禮畢欲周覽盛京畿
內地方形勝是日啟鑾○是月免安徽定遠臨淮二縣水災額賦
冬十月辛巳召甯古塔將軍巴海問甯古塔及瓦爾喀胡爾喀人
民風俗諭曰瓦爾喀胡爾喀人皆暴戾奸詭爾其善布教化以副
朕綏遠至意○己丑上還盛京○賜盛京畿內老人白金○辛

卯 上謁辭 福陵 昭陵○命扈從官及盛京文武官較射○

壬辰諭甯古塔將軍巴海朕向聞爾賢能今侍朕左右朕益知爾
矣飛身喀黑折雖服然其性暴戾當善爲防之尤須廣布教化多
方訓迪以副朕懷遠至意羅刹雖云投誠尤當加意防禦操練士
馬整備器械毋墮狡計至於地方應行大事卽行陳奏毋得疑畏
爾膺邊方重任尙其黽勉以報朕知遇之恩○諭盛京將軍阿穆
爾圖曰朕駕將還觀爾非無能之人爾其鎮守地方勉副朕意○
命來朝外藩王貝勒貝子公台吉等較射畢 駕發盛京○乙未
以入旗屯地旱發粟賑之○靖南王耿精忠奏臺灣僞總兵柯喬
棟率僞官五百四十九員船十一隻投誠下部議敘○乙巳河道
總督王光裕奏河決桃源縣壞民隄二百五十丈下部速議○是
月免湖廣蘄州江夏等十七州縣山東聊城等三縣旱災甯海州

文登縣陝西甘州左右二衛山丹衛水災額賦有差除浙江溫台
二屬通糧

十一月己酉山西巡撫達爾布丁父憂命在任守制○庚戌上

奉 太皇太后 皇太后還京師○壬子以張鳳儀爲山東巡撫

候缺○癸丑予故致仕工部尙書葉成額祭葬○甲寅以原任內

國史院學士張士甄翰林院侍讀學士宋得宜順天府府尹郭廷

祚宗人府漢啟心郎蔣廷柱俱爲內閣學士○丙辰 上以謁

陵禮成御太和殿受朝賀詔赦天下○丁巳轉高珩爲刑部左侍

郎以姚文然爲刑部右侍郎由左副都御史遷○以佟宏器爲工部右侍

郎由左副都御史遷○庚申發偏沅倉穀帑金賑所屬饑○壬戌平南王

尙可喜以疾奏請其子之信回粵暫管軍務從之○甲子以上官

鉉爲左副都御史由宗人府府丞遷○庚午復設貴州平大黔威守道一

駐大定府○辛未以黃道行爲左副都御史

由左僉都御史遷

○御史何

元英奏禮部司屬各員有磨勘天下試卷之責應照世祖章皇

帝時以進士出身者補授又各省鄉試正副考官宜專用進士出

身之人開列候點其分房各官或進士官乏員方將舉人出身者

開送從之○河道總督王光裕奏請募夫大挑淮陽裏河從之○

壬申以哈爾哈齊爲禮部尙書

由護軍統領遷

明珠爲兵部尙書

由左都御史遷

○甲戌免江南淮安揚州二府屬被水州縣逋賦○予故山東巡

撫袁懋功祭葬加祭一次諡清獻○是月免直隸霸州文安江南

鳳陽河南陝安陽等一府七十三州縣衛被災額賦免山東堂邑

冠縣湖廣衡州衛旱災額賦十之三

十二月戊寅朔以多諾爲左都御史

由兵部督捕左侍郎遷

○吏部議准貴

州巡撫曹申吉奏龍里清平平越普定都勻五衛應俱改爲縣各

設知縣典史一以安莊衛歸併鎮甯州黃平所歸併黃平州新城所歸併普安州其守備等官俱裁從之○壬午諭兵部及督捕衙門直隸重地理宜肅清邇來盜賊繁多大爲民害地方官怠玩不能力行禁戢以致劫掠時聞盜賊捕獲者少良民株連甚多皆因防汛官員止於降罰帶罪緝拏至於有失事最多不能盡職者仍令留任愈至貽誤地方今盜賊應作何禁戢嚴拏及以盜案降罰幾次者作何處分爾部再行定議具奏至京城內外盜賊棍徒肆行無忌作何責成官役嚴行緝拏亦著一併議奏○癸未諭兵部侍郎色塞赫每見爾部題授江南浙江西安諸處章京俱係有資力者於盛京甯古塔諸處員缺則屬貧弱之人護軍校卽升佐領亦屬越次宜詳察之○予故致仕兵部左侍郎黃徽印祭葬○甲申以折庫納爲兵部督捕左侍郎

由翰林院掌院學士遷

○癸巳以傅達禮

爲翰林院掌院學士兼禮部侍郎

由翰林院侍讀學士遷

○乙未召翰林院

掌院學士傳達禮至懋勤殿諭曰翰林院起居注職任重大關繫機密朕以爾才品優卓實可信任故行簡用爾其黽勉以副朕意

○罷民間養馬及用馬駕車之禁○壬寅 皇子賽音察渾生○

是月免江南六安上元浙江杭州湖廣荊門茶陵等九府一百二十七州縣衛所災荒額賦有差免江南高郵寶應鹽城等十一州縣所去年水災額賦○是歲朝鮮琉球來貢○人丁戶口一千九百四十萬七千五百八十七田地山蕩畦地五百四十五萬九千一百七十頃十八畝有奇徵銀二千五百九十萬八千七百九十二兩三錢有奇米豆麥六百二十一萬四千九百一十石二斗有奇草二百三十萬九千三百八十七束茶十六萬八千三百四引行鹽四百四十四萬一千二百七十四引徵課銀二百七十九萬二

千七百五兩有奇鑄錢二萬九千四十七萬五千八百三十有奇

東華錄

康熙十二

臣王先謙敬編

臣周潤蕃恭校

康熙十一年壬子春正月乙丑諭太常寺祀典關係重大理宜敬慎嫻習近見爾衙門典禮俱未諳練又所奏音樂多未合節殊非慎重禋祀之義以後著詳加練習勿仍前怠忽褻越祀典○庚午上詣太皇太后宮問安太皇太后曰我因身抱微疾故欲往赤城湯泉汝若同往恐誤國事可不必去上奏曰太皇太后駕幸湯泉臣若不隨往侍奉於心何安至國家政事已諭內閣著聞一日馳奏一次不至有誤○諭吏部各省藩臬以下丁憂官員督撫每奏稱才能請在任守制恐貪戀職任者多方營求彼此效尤有乖孝道其申明定例嗣後丁憂官員督撫毋得題留悉令

離任守制○工部侍郎楊運昌刑部侍郎高珩請假葬親從之○理藩院議覆厄魯特噶爾丹台吉奏伊兄僧尼台吉在時曾遣使進貢今請亦准照常遣使進貢從之○辛未 上奉 太皇太后往赤城湯泉啟鑾 上隨輦步行至神武門乘馬○癸酉過八達嶺 上自山麓下馬扶 太皇太后輦 太皇太后念 上步行勞苦諭乘馬 上奏曰此處道險必扶輦於心始安至坦道始乘馬○甲戌 上恐懷來城東浮橋不固親馳視驗方請 太皇太后輦行○是月免江南上海青浦湖廣茶陵衛去年旱災賦有差免山東臨清州去年蟲災賦十之二

二月丁丑朔過長安嶺 上自山麓下馬扶 太皇太后輦步行至坦道始乘馬駐蹕東山廟初東山廟有井易涸水不足用是日山泉忽涌成河人馬皆足飲○吏部尙書黃機請假遷葬允之○

戊寅次興仁堡 上先馳詣湯泉視行宮及湯池還○己卯 太

皇太后駐蹕湯泉 上駐蹕頭堡○辛巳 皇子承祐薨 上悼

之詣 太皇太后行宮問安笑語如常出諭內大臣覺羅塔達曰

恐 太皇太后聞之傷悼儻諸王等前來慰朕俱令散去○以王

天眷爲工部左侍郎由宗人府府丞遷梁鉉爲工部右侍郎由通政使遷○轉

姚文然爲刑部左侍郎以黃道行爲刑部右侍郎由左副都御史遷○癸

未 上詣 太皇太后行宮問安 上自問皇子信鬱悶不已宗

室公內大臣等奏曰 皇上聞皇子之信往往鬱悶臣等願 皇

上移蹕借境舒懷 上曰朕每日詣 太皇太后行宮問安頗可

自慰既隨 太皇太后至湯泉如 太皇太后聖躬全安朕不勝

懽懽穉子事朕無甚介意○乙酉諭諸王貝勒大臣兩日內諸王

貝勒大臣奏朕隨意遊覽可以消遣悶懷俱已有旨報聞朕思爾

等再三啓奏無非愛朕之心所言甚是朕欲於此行宮相近處相
一平闊之所暫駐數日諸王貝勒大臣奏曰臣等奏請之意誠欲

皇上保護 聖躬今蒙睿鑒諭以溫綸實天下臣民之大幸也

隨移蹕盤石臺○丙戌調郝惟訥爲吏部尙書由戶部調○庚寅 上

移蹕赤城 皇子允禔生○辛卯 上以行耕藉禮回鑾○癸巳

上還京師○丙申 上親耕藉田○丁酉調梁清標爲戶部尙

書由刑部調○戊戌 上復詣赤城○以李之芳爲左副都御史食正四品俸御

○己亥 上朝 太皇太后於行宮○乙巳予故工部侍郎

佟宏器祭葬○丙午諭兵部尙書明珠京城來換班兵皆係窮苦

之人身負行李米糧而來甚爲可矜爾部可給與官車裝載並酌

量給與鍋帳到此之日卽按日給與口糧又召赤城同知胡之睿

問地方百姓生理胡之睿奏曰此地人民醇樸雖不富饒然各務

耕種欲成所得除供賦外尚可餬口 上曰太皇太后幸湯泉去冬修路及收買草料木炭等物皆用民夫想甚勞苦朕心大爲不忍爾在地方若有所見可據實陳奏勿有所隱

三月戊申廣東巡撫劉秉權奏暹羅國貢使所進方物仍與會典不符較前更少其一 上以先有諭旨命禮部免其察議其攜來

貨物或願運至京師貿易聽其自運或願在廣東貿易令督撫委

官監視之○己酉以艾元徵爲刑部尙書由左都御史遷○命直隸各省

提督總兵官俱照康熙六年例於十月內自陳在內武職各官一

體遵行○丙辰賑江西九江廣信南康旱災○己未以宋可發爲

廣東布政使由四川按察使遷○封靖南王耿精忠所尙和碩郡主爲靖

南王妃○庚申以杜篤祐爲左都御史○以徐化成爲湖廣巡撫

由布政使遷○戊辰 上奉 太皇太后回鑾○辛未過長安嶺大雨

上下馬步行扶輦 太皇太后曰此地險峻天雨路滑汝步行勞苦可乘馬緩行 上奏曰大路泥濘臣扶輦而行於心始安仍步行至嶺上 太皇太后欲少憩 上卽趨行命取涼棚親視安置及下嶺時仍步行扶輦至平地方乘馬傍輦而行○壬申山西陝西總督羅多以前任河道總督時隄工冒銷錢糧降調○甲戌過八達嶺 上步行扶輦 太皇太后再四諭乘馬 上奏曰嶺路崎嶇不似平地臣緩步扶輦無甚勞苦至平地始乘馬行○乙亥 上還京師至神武門下馬扶 太皇太后輦入 慈甯宮○是月免江南興化縣去年水災額賦

夏四月己卯諭戶部江南連年水旱相仍災傷甚重若將舊欠錢糧一併追徵民生愈致困苦朕心不忍其以前未完錢糧實係拖欠在民者著行停徵俟民力稍蘇時再行請旨○以王秉仁爲左

副都御史

由光祿寺卿還

○癸未以金鉉爲河南布政使

原任江南左布政使

○甲

申

上御弘德殿講官進講畢諭翰林院掌院學士熊賜履朕前

往赤城見路旁碑上貼一紙寫害天下之民者給事中柯聶是也

數字又無姓名朕思其言果眞如何不寫姓名熊賜履奏曰從來

匿名飛語多是光棍害人之意縱使寫出姓名焉知不是懷挾私

讐乘機誣陷願

皇上加察

上曰果有姓名即可對質若挾私

誣陷則所欲陷人者徒自陷耳○以宋琬爲四川按察使

原任浙江按察

使○裁江南海門縣歸通州管轄○壬辰以鄂善爲山西陝西總

督

由陝西巡撫還

○癸巳諭吏部兵部陝西幅員遼闊邊疆重地防禦宜

周省城有將軍滿兵駐防總督衙門應移駐近邊扼要地方專管

陝西以便控制其山西省附近京師應照山東河南例令該撫料

理爾二部會同詳議具奏○增工部滿郎中二漢員外二分巡京

城內外及玉泉山等處河道○丁酉先是承恩伯周全斌病故吏部題奏奉旨周全斌敕內雖無襲次但自海外帶領戰船率眾投誠功大作何承襲著再議覆應准予承襲一次從之○庚子御史施維翰奏福建總督劉斗違例題補興化總兵官又代靖南王耿繼茂題請建祠徇私妄奏應嚴加處分下部察議○增兵部筆帖式二十○壬寅諭吏部原任大學士衛周祚品行端方清慎素著屢以引疾請告回籍調理今閣務殷繁贊理需人著卽召取馳驛來京入閣辦事○癸卯以阿席熙爲陝西巡撫由布政使遷○命侍衛吳丹學士郭廷祚閱視河工繪圖進呈○是月免江南清河等三縣田租及淮安大河二衛去年水災賦

五月丙午朔撥江南常平粟賑安慶淮揚○己酉 上幸瀛臺○甲寅以李興元爲雲南按察使由陝西隴右道遷○丙辰諭兵部從來國

家承平軍事不宜廢弛 太祖 太宗時兵器整齊堅銳今器械

雖鮮明恐用時未必堅利此係爾部職掌嗣後詳加點閱以副朕

不忘武備之意○戊午雲南貴州總督甘文焜奏臻剖凱里二司

所屬苗蠻狡悍非常素稱難治近逆苗阿福倡亂臣發兵剿禦逆

首就擒又大敗逆苗餘黨於地五等寨及白崖地方擒斬一千三

百餘人其餘悉就安插得旨嘉獎下部議敘○己未以吳努春爲

陝西布政使

由按察使遷

○癸亥減戶部工部關差員數照鹽差例不

論滿洲漢軍漢人序俸掣籤每關差司官一員筆帖式一員○乙

丑 世祖章皇帝實錄成○丙寅 上幸德勝門外觀麥○壬申

發帑加賑淮揚○是月免江南泰州江都山陽臨淮靈璧山東沂

水新城鄒平青州通賦及兗曹單金鄉沿河衝損地賦

六月乙亥朔以淮揚清水潭隄決田廬淹沒詔寬賑限俟水涸乃

停○庚辰以巴錫爲陝西按察使由御史遷○辛巳命官兵經過地方

不得多索車馬夫役並地方官吏借端私派以累里民○乙酉

上幸南苑行圍○戊子戶部奏浙江所徵婦女小口鈔銀改爲食

鹽課銀直隸流寓人丁山西久流人丁均改爲實在人丁幼丁改

爲新編人丁應將賦役全書更正遵行從之○裁山西太原副將

改設總兵官一○庚寅 上還宮○戊戌增江南山陽縣管河主

簿一分防高家堰隄工○己亥命大學士圖海等同法司清理刑

獄○辛丑諭工部河道屢年衝決地方被災民生困苦深軫朕懷

據差往視決口侍衛吳丹學士郭廷祚回京繪圖進呈朕觀黃河

自宿遷以至清河皆爲緊要雖有遙隄一層恐未足捍蔽水勢應

否於遙隄之外再築遙隄兩部卽行河道總督漕運總督會同相

視商酌築隄果否有益並所需錢糧逐一詳確議奏○以杭愛爲

山西布政使由郎中遷○以成額爲甘肅布政使伊圖爲甘肅按察使

由郎中遷○壬寅以衛周祚爲保和殿大學士兼戶部尚書○除貴州

省二十七山場小稅○是月免山東堂邑等三縣雹災賦有差免

陝西寶雞縣旱災賦十之三

秋七月己酉敘征緬甸及雲南貴州功授都統何進忠等一百二

十七員世職有差○王子以王秉仁爲倉場侍郎由左副都御史遷○丙

辰 上出德勝門觀禾○己未禮部尚書龔鼎孳以病乞休命給

假調理病痊供職不必解任○庚申以任克溥爲左副都御史由通

政使遷○辛未河南巡撫郎廷相丁母憂命回旗守制○是月免直

隸霸州水災賦之十三及江南高郵州去年旱災湖地稅湖廣衡

州衛逋餉

閏七月乙亥諭宗人府貝子尙善性行端良凡事小心敬慎勤勞

爲國著仍復多羅貝勒○戶部議准給事中趙之符奏查順治十六年出征雲南時平西王並經畧巡撫等會議因糧米不敷以四斛作一石徵收今地方已定此加徵兩斛米麥應於康熙十二年爲始除免從之○己卯予故致任禮部尙書烏赫祭葬○壬午吏部尙書對喀納等奏九卿會議凡書辦犯贓係在京部院者司官雖不知情擬罰俸六箇月其在外省者或官吏通同婪贓官則脫卸吏承其罪亦未可知仍照失察例革職若官果不知情免革職罰俸一年 上責之曰衙役作弊小民受害無窮所司官理應從重處分以清積蠹今爾等俱已富貴不念小民困苦惟恐重處屬員致有干涉故將在外在京分別定議明係瞻徇朕擢爾吏部尙書自應殫心爲國矢公報效乃粉飾阿徇毫無主見殊負朕委任之意○丙戌以佟鳳彩爲河南巡撫

原任貴州巡撫

○丁亥諭刑部設立

刑法原以戢奸禁暴必事情重大方可用刑嚴訊近見內外問刑衙門嘗有濫用夾棍致斃人命者朕心殊爲不忍以後審問事情爾等務加詳慎勿得輕聽問官不分輕重動輒夾訊希圖草率結案仍將審事官員嚴加申飭不時稽察其有任情濫刑者卽行指實題參務使重刑不得濫及無辜以副朕矜恤民命至意若有不應夾訊之人擅用夾棍及罪不至死徑行夾死者應作何處分爾部會吏兵二部定議具奏尋議若內外問刑官將案內應夾罪不至死之人夾訊致死者罰俸一年將不應夾訊之人擅行夾訊者降一級留任或被夾之人卽時身死者降三級調用或疊行夾訊致死者革職若有別項情由按罪定擬其司官有將不應夾訊之人同堂堂官不行詳慎輕聽夾訊者罰俸六箇月從之○乙未諭講官等方今秋爽正宜講書爾等卽於二十五日進講○辛丑吏

部議准御史嚴曾渠奏凡異途出身之人不得以正印官用如果有才能稱職之員該督撫特疏保舉吏部方以正印推升此定例也伏見卓異之員皆令該督撫奏內開列本官所行事實保舉異途人員反不開列事實恐庸才得以冒濫請嗣後督撫保舉異途出身等官亦於奏內開列事實從之○命陝西富平蒲城二縣糧米永行改折○是月免直隸固安江南沐陽河南汲縣山東魚臺等九縣被災額賦及浙江處州西安等屬逋賦

八月丁未議政王大臣等議覆御史孟熊飛奏孫可望係流寇張獻忠餘黨擾亂邊陲後爲夥賊李定國所敗眾散勢孤窮蹙乞降前有重大之罪後無纖微之勞我國家格外殊恩授以義王顯爵及伊身死已襲替二次今孫徵清故若仍令再襲原爵則後此世世冒濫無已況本朝定制從無投誠官員世襲罔替之例請將孫

可望王爵停其襲替或減等降封查孫可望投誠來歸越封義王
兩次准襲實已過分應如所請降授義公又奏稱伊斯丹津單身
來歸錫之王爵無非柔遠至意但上朝時與宗室諸王比肩同列
似亦非宜或隨本旗行走或應另坐何處乞敕部定議查伊斯丹
津投順封王已經與宗室諸王同列年久應無庸議得旨義王降
爲公銜止加一義字於例不合又伊斯丹津單身逃歸並無大功
遽授王爵太優著一併再議具奏○王子 上幸南苑行圍○禮
部等衙門奏治理厯法南懷仁奏參奸民楊燦南捏造眞厯言一
書譏刺欽天監厯審據楊燦南稱欽天監厯開載今年立春立秋
閏月俱錯命大學士圖海等及九卿科道等官會同測驗○癸丑
諭禮部帝王致治首在維持風化辨別等威崇尚節儉禁止奢侈
故能使人心醇樸治化休隆近見內外官員軍民人等服用奢靡

僭越無度富者趨尙華麗貧者互相效尤以致窘乏爲匪盜竊詐
僞由此而起人心囂陵風俗頹壞其於治化所關匪細今應作何
分別務行禁止著九卿科道會同嚴加確議定例具奏○甲寅諭
兵部尙書明珠左都御史多諾麻法乃國家要務關繫非輕已有
旨命爾等會議南懷仁楊燦南互相參告之事朕於內外總無異
視爾等務體朕心勿執偏見孰是孰非虛公看驗務期永行無弊
至飛灰候氣法久不傳難以憑信爾等其知之○乙卯大學士圖
海等以楊燦南不諳飛灰候氣之法無從測驗覆奏命將楊燦南
交刑部治罪○議政王大臣等遵旨再議義王降爲公爵應稱爲
慕義公伊斯丹津係厄魯特願實汗幼弟之子怨其兄弟拋其妻
子部屬誠心歸命封爲多羅郡王實爲太優但已經年久相應止
將伊斯丹津本身仍留王爵隨旗上朝從之○庚申 上御經筵

○壬戌 上以太皇太后聖躬違和奉 太皇太后幸遵化縣

湯泉○甲子 上駐蹕薊州城西閱官兵射○丁卯 上奉 太

皇太后至湯泉 上謁 孝陵駐蹕鮎魚池城○以修橋草率革

工部左侍郎覺羅查哈喇右侍郎禪布職留世職隨旗行走○是

月免江南高郵山東濰縣山西潞城等十一州縣被災額賦

九月丙子諭翰林院掌院學士傳達禮等朕奉 太皇太后幸湯

泉昨蒙 慈諭令朕遊覽近地訪察民生其以翌日往三屯營幸

景忠山○以哈占爲工部左侍郎由中和殿學士遷圖爾泰爲工部右侍

郎原任兵部侍郎○丁丑 上幸景忠山過遵化縣閱兵○己卯 上還

湯泉過三屯營閱兵○辛巳 上諭大學士等江西廬陵吉水上

高甯州四州縣暨南昌九江衛頻年荒旱災疫流行荒蕪田地五

千四百餘頃命戶部蠲其逋賦仍敕巡撫速行招墾○乙未福建

總督劉斗以留用剋餉廢弁葉祿降五級調用○御史馬大士奏
參廣西將軍孫延齡原無奇勲異績 皇上垂憐定南王乏嗣令
其掌管王旗異數殊恩蔑以加矣爲孫延齡者自宜懷遵國憲以
盡臣子之誼乃題補營弁薛起鳳一事部議以廣西非係題補省
分覆奏不行屢經奉旨孫延齡履行陳奏必欲違國家之成例用
本旗之私人是誠何心伏乞嚴敕以爲忝肆不臣者之戒下部察
議○丁酉命福建總督自漳州移駐省城○是月免江南沐陽縣
水災山東博平等五州縣蝗災賦

冬十月甲辰 上奉 太皇太后回鑾○丙午 上以 皇后病

奉 太皇太后諭先還是日回宮○丁未 上以 皇后病痊往

迎 太皇太后○己酉 上奉 太皇太后還京師○壬子以范

承謨爲福建總督由浙江巡撫遷○轉陳散永爲吏部左侍郎以李之芳

爲吏部右侍郎

由左副都御史遷

○癸丑禮部右侍郎田種玉以先一日

拆看考官紅本降三級調用○停長蘆兩淮兩浙河東巡鹽御史

差鹽法事務歸併巡撫管理○乙卯以郭四海爲內閣學士

由內閣侍

讀學士遷

○辛酉以張士甄爲禮部右侍郎

由內閣學士遷

○丙寅以陳一炳

爲左副都御史

由奉天府尹遷

○戶部右侍郎雷虎以疾乞休允之○

丁卯以田逢吉爲浙江巡撫

由戶部右侍郎遷

十一月甲戌以史大成爲內閣學士

由翰林院侍讀學士遷

○丁丑轉劉鴻

儒爲戶部左侍郎以馬紹曾爲戶部右侍郎

原任刑部左侍郎

○己卯轉

班迪爲戶部左侍郎以達都爲戶部右侍郎

由保和殿學士遷

○丙戌以

穆成額爲內閣學士

由內閣侍讀學士遷

○庚寅發帑賑浙江杭嘉湖紹四

府○壬辰浙江巡撫田逢吉陛辭諭曰因爾諳練事務故簡任浙

江巡撫浙省年來水旱頻仍百姓困苦爾膺茲重任須正己率屬

撫綏百姓以副朕任用之意察吏安民不在小節惟在剪除大惡剔釐大弊耳爲善爲惡俱在於爾爾其勛之諭畢於常賜鞍馬外加賜馬一匹表裏十端○辛丑予故吏部侍郎王清祭葬○是月免直隸清苑江南亳懷遠湖廣嘉魚監利河南安陽山西岢嵐等五十三州縣災荒賦桃源等縣去年漕米並免之

十二月乙巳裕親王福全奏辭議政允之○丁未 上奉 太皇太后幸南苑○庚戌 上奉 太皇太后自南苑還宮○壬子莊親王博果鐸惠郡王博翁果諾溫郡王孟賚奏辭議政允之○丁巳諭學士傳達禮朕昨詣 太皇太后問安 太皇太后諭云予雖在宮壺 太宗行政亦畧知之彼時開荆甚重騎射方今天下太平四方甯謐然安不忘危閒暇時仍宜訓練武備至於在朝諸臣奏事豈無忠誠入告者然不肖之類假公行私附己者卽爲引

進忤己者卽加罔害亦或有之爲人君者務虛公裁斷一準於理則事無差失矣朕繹 慈訓人君之道誠莫要於虛公裁斷之一

言也○雲南貴州總督甘文焜來京葬母遣一等侍衛對秦等至其家慰問之○戊午召講官等至懋勤殿諭曰漢官中有請令言官以風聞言事者朕思忠愛之言切中事理患其不多若不肖之徒借端生事假公濟私人主不察必至傾害善良擾亂國政爲害甚鉅又諭曰從來與民休息道在不擾與其多一事不如省一事朕觀前代君臣每多好大喜功勞民傷財紊亂舊章虛耗元氣上下訾謫民生日蹙深可爲鑒熊賜履奏曰 皇上此諭誠千古爲治之要道也○己未康親王傑書安親王岳樂順承郡王勒爾錦貝勒察尼董額尙善奏辭議政不允○壬戌 上幸南苑行圍○丙寅 上還宮○丁卯大學士衛周祚以老病乞休命以原官致

仕乘驛回籍仍准支俸○是月免江南長洲興化湖廣江夏浙江
杭嘉湖紹等屬三十五縣災荒額賦大河等縣仍免去年漕米邳
沭陽等州縣加免十之二○是歲朝鮮入貢○人丁戶口一千九
百四十三萬一千五百六十七田地山蕩畦地五百四十九萬一
千三百五十六頃三十八畝徵銀二千六百五萬二千三百四十
三兩有奇米豆麥六百二十九萬一千一百二十一石有奇草二
百二十九萬八千一百四十二束茶十五萬九千一百五十二引
行鹽四百三十二萬六千二百五十二引徵課銀二百七十五萬
三千三百四十五兩有奇鑄錢二萬九千八百六十五萬二千四
百有奇

東華錄

康熙十三

臣王先謙敬編

臣周潤蕃恭校

康熙十二年癸丑春正月甲申予故致仕內祕書院大學士馮銓祭葬諡文敏○庚寅 上幸南苑行圍○辛卯 上幸晾鷹臺大閱親發五矢皆中的復騎射一發卽中是日還宮

二月壬寅左都御史杜篤祐年老乞休命原官致仕○甲辰遣一等侍衛吳丹二等侍衛塞扈立齋 御用貂帽團龍裘青蟒狐腋袍各一襲束帶一圍往雲南賜平西王吳三桂一等侍衛古德二等侍衛米哈納齋 御用貂帽團龍天馬裘藍蟒狐腋袍各一襲束帶一圍往廣東賜平南王尙可喜○削解任湖廣總督張長庚太子少保銜以任偏沅巡撫時捏報墾荒故也○乙巳遷羅王森

烈拍臘照古龍拍臘馬嘑陸坤司由提呀菩埃遣使入貢並請給銀印○丁未諭學士傳達禮等人主臨御天下建極綏猷未有不以講學明理爲先務朕聽政之暇卽於宮中披閱典籍殊覺義理無窮樂此不疲向來隔日進講朕心猶然未愜嗣後爾等須日侍講讀闡發書旨爲學之功庶可無間○辛亥以吳正治爲左都御史由兵部督捕侍郎遷○戶部議准貴州巡撫曹申吉奏設官分職上下相維天下之通義獨黔省知府知縣各有親轄地方分徵錢糧並無經徵督徵之異非所以定經制而專責成也請將貴陽安順平越都勻鎮遠思南銅仁七府知府經管之地方錢糧各歸附郭之新貴普定平越都勻鎮遠安仁銅仁七縣知縣管理其知府止司督徵之責庶規制畫一永遠可行從之○壬子 上御經筵○轉折爾肯爲刑部左侍郎以阿範爲刑部右侍郎由左副都御史遷○癸丑郎

中蘇爾泰閱視河工還繪圖進呈 上留覽○戊午調姚文然爲

兵部左侍郎

由刑部調

○己未諭學士傳達禮爾衙門所進翻譯大學

衍義一書朕恭呈

太皇太后御覽奉

慈諭云人主居四海臣

民之上所關甚鉅然代天理物端在躬行政治興化必先修己此書法戒畢陳誠爲切要爾特加意是編命儒臣翻譯刊刻更令頒賜諸臣予心欣悅特發內帑白金千兩可卽賚予在事諸臣朕仰

遵

慈旨頒賜爾等其欽承之○辛酉諭致仕耆舊大臣等國有

耆舊大臣規模甚覺可觀其大臣等有疾苦必俟奏請醫慮或不
及嗣後有疾者於藥房諸醫中惟其所欲延往調治不必奏聞朕
亦卽傳諭諸醫知之○壬戌禮部議奏暹羅國王進貢禮物缺額
蟲蝕令於下次補進得旨貢物雖與原數不符但念航海遠來扞
誠進貢其缺額蟲蝕等物免其補進○癸亥調折爾肯爲禮部左

侍郎管右侍郎事

由刑部調

○甲子轉黃道行爲刑部左侍郎以任克

溥爲刑部右侍郎

由左副都御史遷

○乙丑以久旱得雨遣一等侍衛對

秦等出郊視土膏深淺○丁卯以額星格爲左副都御史

由大理寺卿遷

○庚午頒賜諸王以下文武各官及八旗官學大學衍義各一部

三月辛未朔改通州左衛爲通州所裁守備一千總三經歷一其

地丁錢糧巡緝逃盜等事務歸通州三河武清香河四州縣分理

○癸酉 上御弘德殿講官進講畢諭講官等從來民生不遂由

於吏治不清長吏賢則百姓自安矣天下善事俱是分所當爲近

見有寸長片善便自矜誇是好名也又諭有治人無治法但真能

任事者亦難得朕觀人必先心術次才學心術不善縱有才學何

用熊賜履奏曰

聖諭及此誠知人之要道也○甲戌諭學士傅

達禮朕以修葺宮殿明日移駐瀛臺暫留數日夫進講所以致知

蓄德期於日新未容少間講官其日至瀛臺如常進講又諭學問之道在於實心研索使視爲故事講畢卽置之度外是務虛名於身心何益朕於諸臣進講後每再三紬繹卽心有所得尤必考正於人務求道理明徹乃止至聽政之暇無間寒暑惟有讀書作字而已因 御書一行賜觀曰人君之學不在此朕非專工書法但暇時游情翰墨耳○丙子子故禮部侍郎顧巴西祭葬○丁丑上因時雨未足駕幸郊外閱視麥苗○辛巳諭禮部祈雨○諭刑部直隸各省監候秋決人犯於冬至以後部文咨到者留於次年秋審彙奏題報永著爲例○壬午平南王尙可喜奏臣年七十精力已衰願歸老遼東有舊賜地畝房舍乞仍賜給臣量帶兩佐領甲兵並藩下閒丁孤寡老弱共四千三百九十四家計男婦二萬四千三百七十五名口其歸途夫役口糧請敕部撥給得旨王自

航海歸誠效力累朝鎮守粵東宣勞歲久覽奏年已七十欲歸遶東情詞懇切具見恭謹能知大體朕心深爲嘉悅今廣東已經底定王下官兵家口作何遷移安插議政王大臣等會同戶兵二部確議具奏○癸未 上御弘德殿講官進講畢諭講官等從來君臣一心圖治天下不患不治此等光景未易多得朕與諸臣何可不交勉之熊賜履奏曰爲政端在得人故用舍黜陟人主出治之大權最當審量者也 上曰知人難用人不易致治之道全關於此朕卽欲不盡心不可得也○甲申倉場侍郎王秉仁刑部左侍郎黃道行工部左侍郎王天眷內閣學士蔣廷柱文華殿學士馬朋古俱以京察才力不及降二級調用並謫免部院所屬官九十人○辛卯吏部議覆平南王尙可喜奏臣年老且病請以王爵令臣子尙之信承襲查藩王見存子無移襲之例應無庸議從之○

癸巳賜韓莛等一百六十六人進士及第出身有差○丁酉議政王大臣等議奏平南王尙可喜奏請復歸遼東應如所請但該王之子尙之信仍帶領官兵往居粵東則是父子分離而藩下官兵父子兄弟宗族亦至分離今粵省已經底定既議遷移似應將該藩家屬兵丁均行議遷惟廣東左右兩營綠旗官兵仍留該省作何歸併之處交兵部另議從之○己亥大雨遣侍衛視田苗○中和殿大學士巴泰以老病乞休命原官致仕

夏四月庚子朔予故刑部侍郎阿哈碩塞祭葬○辛丑 上幸郊外觀禾○癸卯南城地方火災 上諭巡城御史曰每遇失火朕常遣侍衛往救聞爾巡城官員卽於失火時執家主恐其家財物無人照看必致匪類乘機竊盜深屬無辜此後俟火息時再行查議○甲辰兵部奏平南王藩下向有綠旗左右翼總兵官二員遊

擊守備千總各八員把總十六員兵六千名俱駐紮廣州府今平南王尙可喜父子已令遷移此綠旗官兵應仍留廣州府令廣東提督管轄其官員升轉亦照各省綠旗官員例從之○辛亥諭學士傅達禮滿漢文義照字翻譯可通用者甚多後生子弟漸致差謬爾任翰林掌院可將滿語照漢文字彙發明某字應如何用某字當某處用集成一書使有益於後學此書不必太急宜詳慎爲之務期永遠可傳方爲善也○諭戶部江南蘇松常鎮淮揚六府連年災荒民生困苦與他處不同朕心時切軫念除今年錢糧已經派撥兵餉外其蘇松等六府康熙十三年分地丁正項錢糧特行蠲免一半以昭朕存恤災黎至意○議政王大臣等議覆安南國都統使莫元清奏臣從前被黎維禘所偏投奔本朝蒙恩遣使敕諭黎維禘退回高平等四州地方臣得復回故土尙有保樂七

源二州崑崙金馬等十二總社未還請再敕諭黎維禧全歸侵地
查從前莫元清曾經奏請敕諭黎維禧退回保樂等地方因莫元
清來投時止言黎維禧攻取高平並未利有保樂七源二州事屬
外國結案已久履行妄奏殊為多事應無庸議從之○癸丑轉阿
範為刑部左侍郎以鄂爾多為刑部右侍郎由一等侍衛遷○以紀振疆
岳甘俱為內閣學士紀振疆由順天府府尹岳甘由護軍參領遷○甲寅以錢綬為左
副都御史由宗人府府丞遷○乙卯 上幸南苑諭學士傅達禮南苑乃

練武之地邇來朕體不快在此地靜攝扈從講官史鶴齡張英俱
係詞臣著作詩賦進呈○丁巳封暹羅國森烈拍臘照古龍拍臘

馬噶陸坤司由提呀菩埃為暹羅國王賜之誥命銀印令進貢陪

臣齎回○庚申 上還宮○癸亥以周卜世為倉場侍郎由大理寺卿遷

○轉任克溥為刑部左侍郎以陳一炳為刑部右侍郎由左副都御史遷

五月庚午朔轉梁鉉爲工部左侍郎以郭廷祚爲工部右侍郎

內由

閣學士遷

○壬申翰林院掌院學士傅達禮等以夏至輟講上請

上

諭曰學問之道必無間斷方有裨益以後寒暑不必輟講待至六

月溽暑再來請旨○丙子先是上以太皇太后聖體違和召

乾清門侍衛武格諭曰太皇太后甚念巴林淑慧公主爾可將

朕所乘轎馳驛往迎公主至是公主至京太皇太后喜甚聖

體遂强健如常○己卯諭吏部國家大小事務在內責成部院在

外責成督撫其事情重大繁難者固應照限完結如平常易結之

事理應速結以清沈滯近見內外各衙門題覆本章有將易結之

事遲延不結必俟限滿具題其不行具題完結遲延者必多牽連

守候以致苦累自後著速行完結毋得遲延務俾案件清楚副朕

委任至意○壬午以徐繼煒爲左副都御史

由左僉都御史遷

○以李光

座爲江西按察使

由福建興泉道遷

○癸未吐魯番國王瑪墨忒賽伊忒

汗遣陪臣貢方物奏臣國向以方物進貢中國已久聞天朝統

一寰區不勝忻喜順治十三年進貢方物蒙頒上諭五年一貢

西馬四匹蒙古馬十匹後值臣國變亂不能如期進貢今地方稍

平特遣兀魯和際等謹獻微物嗣後進貢或仍照前制或作何定

奪伏乞上裁得旨覽奏該國遠來進貢方物具見悃誠可嘉其

作何進貢之例著該部議奏○戊子以王守才爲內閣學士

由順天府

府尹○庚寅考察直隸各省督撫浙江總督劉兆麒江南江西總

督麻勒吉湖廣巡撫徐化成原任山東巡撫丁憂劉芳躅俱降二

級調外用○辛卯調王熙爲兵部尙書

由工部調

○丁酉以吳正治爲

工部尙書

由左都御史遷

六月辛丑禮部議覆吐魯番國王瑪墨忒賽伊忒汗奏進貢方物

或仍照舊制或作何定奪查順治十三年吐魯番貢馬三百二十四匹奉旨減去止令貢西馬四匹蒙古馬十匹嗣後進貢馬匹應照此例其別項貢物仍令遵照會典得旨吐魯番國遙遠進貢殊難以後止著進貢馬匹玉石其餘各物免進以示朕軫念遠人之

意○壬寅以張朝珍爲湖廣巡撫

原任安徽巡撫

○癸卯以李之芳爲浙

江總督

由吏部右侍郎遷

○乙巳以冀如錫爲左都御史

由兵部左侍郎遷

○丁

未

上幸瀛臺御迎薰亭賜諸王貝勒等及內閣滿漢大學士學

士翰林院學士六部都察院各司寺及國子監堂官翰林科道等官宴命大學士索額圖兵部尙書明珠傳諭曰諸臣日理政務畧無休暇今值荷花盛開夏景堪賞朕特召諸王貝勒等及爾諸臣同宴以示君臣偕樂其各盡歡以副朕優渥至意大學士圖海等奏曰臣等躬逢盛世愧無寸長仰酬萬一今荷 皇上隆恩賜宴

天語慙懃雖家人父子無以踰此於是 上率諸王貝勒等於

南河登舟各官次第於北河登舟往來賞宴畢諸王貝勒及各官

謝恩 上回宮○壬子調陳一炳爲吏部右侍郎由刑部調○癸丑戶

部左侍郎馬紹曾以病乞休允之○甲寅以阿席熙爲江南江西

總督由陝西巡撫遷○乙卯予故盛京禮部侍郎胡密達祭葬○命禁止

八旗包衣佐領下奴僕隨主殉葬○丁巳轉楊永甯爲兵部左侍

郎以孫光祀爲兵部右侍郎由通政使遷○戊午諭內閣文華殿武英

殿原設有中書以備繕寫今仍應補設著吏部議奏○庚申金星

晝見○癸亥以于嗣登爲刑部右侍郎由宗人府府丞遷○乙丑諭兵部

尙書明珠下降和碩額駙耿聚忠和碩柔嘉公主曾經 世祖章

皇帝撫養宮中又蒙 太皇太后鞠育今聞公主病甚朕將親往

視之遂幸柔嘉公主第視疾○吏部議覆給事中紀思哈奏近見

督撫解任有候代經年照常理事者但一經解任恐於地方之事
漠不關心嗣後解任督撫於部文到日卽令謝事巡撫解任將敕
印交與總督總督解任將敕印交與巡撫若無總督省分交與布
政使護理從之○刑部議覆給事中彭之鳳奏各省具題人命強
盜本章有止敘臬司招由卽入督撫看語者亦有全招列入奏內
者繁簡不同自宜畫一查人命等案既另有全招清冊投送部院
寺各衙門其奏章內無庸全敘以省煩瑣 上曰人命強盜關繫
重大其直省全招俱著畫一開列奏內

秋七月戊辰朔以宋德宜爲戶部右侍郎

由內閣學士遷

○庚午以塞赫

爲盛京戶部侍郎

由保和殿學士遷

○平西王吳三桂奏臣駐鎮滇省臣

下官兵家口於康熙元年遷移至康熙三年遷完雖家口到滇九
載而臣身在巖疆已十六年念臣世受 天恩捐糜難報惟期盡

卒藩籬安敢遽請息肩今聞平南王尙可喜有陳情之疏已蒙恩

覽准撤全藩仰恃鴻慈冒干天聽請撤安插得旨王自歸誠以

來克殫忠盡勦力行間功績懋著鎮守巖疆宣勞歲久覽奏請撤

安插著議政王大臣等會同戶兵二部確議具奏○辛未以杭愛

爲陝西巡撫

由山西布政使遷

○甲戌以李仙根爲內閣學士

由翰林院侍讀學士

遷

○轉郭廷祚爲工部左侍郎以徐繼煒爲工部右侍郎

出左副都御史

遷

○御史鞠珣奏孫延齡原係定南王藩下標員年齒素輕位權

未重祇因配定南王女所以命之掌管王旗但孫延齡終屬外姓

論名分則無承襲勳爵之理論軍心多有未肯帖服之情近見廣

東廣西總督金光祖奏稱都統王永年等移文稱城門晝閉鄉民

不敢入城又稱孫延齡委兄孫延基總管旗標官兵此係孫延齡

不能彈壓官兵之明驗也且孫延齡駐紮廣西以來或鎖辱職官

或擅題標弁以致屢挂彈章顯被訐告况粵西苗獠雜處邊隅嚴險乞敕部確議將王女與孫延齡撤回京師其定藩舊標官兵或歸併黃旗或分隸八旗仍令駐防該省另差將軍統轄則朝廷名爵無濫而兵馬事務得理矣下部確議尋議將軍孫延齡與都統王永年互訐見差侍郎勒德洪審理俟審結再議從之○丙子

上幸南苑行園○靖南王耿精忠奏臣襲爵二載心戀帝闕祇以海氛叵測未敢遽議罷兵近見平南王尚可喜乞歸一疏已奉俞旨伏念臣部下官兵南征二十餘年仰懇皇仁撤回安插得旨王祖父以來世殫忠盡勳力行間功績懋著及王襲封鎮守勞著巖疆覽奏請撤安插恭謹可嘉今福建已經底定王下官兵家口作何搬移安插著議政王大臣等會同戶兵二部確議具奏○戊寅諭講官傳達禮朕或出郊外或幸南苑常不輟講以此翰林

官員每次隨從但翰林各官俱遠離家鄉京城毫無資產扈從不

免艱苦殊爲可念嗣後扈從講官所用帳房及一切應用物件酌

定數目由內府給與○以額庫禮爲內閣學士由內閣侍讀學士遷○己卯

下嫁和碩額駙耿聚忠和碩柔嘉公主薨遣官致祭○庚辰以席

式爲四川布政使由福建按察使遷郭之培爲浙江按察使由陝西漢興道遷○

辛巳 上還宮○禮部議准左都御史多諾奏凡告祭壇廟滿漢

臣工一體齋戒祭祀文廟止漢官齋戒而滿官不齋戒非我 皇

上言滿漢爲一體崇儒重道之至意嗣後祭祀文廟文官滿三品

以上亦應前期齋戒二日陪祀從之○壬午命重修 太宗文皇

帝實錄○己丑設宗人府左司右司○甲午九卿等會議直隸巡

撫金世德奏直隸事務殷煩長蘆鹽政巡撫勢難兼顧請仍差御

史專理應如所請其兩淮兩浙河東三處鹽政亦仍照舊例差御

史巡視從之○乙未議政王大臣等議奏福建今已底定地方有防守官兵靖南王既請自福建遷移應將王本身併標下十五佐領官兵家口均行遷移從之○丙申以屠克善爲山西布政使由曲遷○丁酉以李贊元爲左副都御史由大理寺卿遷○是月免山東青州左衛旱災額賦有差

八月庚子諭左都御史多諾等爾衙門職係言官凡事宜各抒己見豈可以公同具奏充數已乎爾衙門所奏之事雖皆曾經列名但副都御史岳諾惠等畏懦瞻顧竟無建白嗣後應公奏者公奏若事應獨奏其各出己見以聞○癸卯裁宗人府覺羅啓心郎一漢軍啓心郎二○議政王大臣等議奏平西王吳三桂具題請撤安插應將王本身並所屬官兵家口均行遷移在山海關外酌量安插雲南地方有土司苗蠻雜處不得稍疏防禦今既將王遷移

應暫遣滿洲官兵戍守俟戍守官兵到日該藩起程滿洲官兵如何派撥及四營綠旗官兵作何歸併該藩沿途須用錢糧人夫等項俱聽該部詳議又一議吳三桂鎮守雲南以來地方平定總無亂萌今若將王遷移不得不遣兵鎮守兵丁往返與王之遷移沿途地方民驛苦累且戍守之兵係暫居住騷擾地方亦未可定應仍令吳三桂鎮守雲南得旨吳三桂請撤安插所奏情詞懇切著王率領所屬官兵家口俱行搬移前來其滿洲官兵不必遣發如有用滿兵之處該藩於起行時另行奏請然後遣發俟官兵到後王來亦不至遲誤餘依議○乙巳以嚴沆爲左副都御史

由宗人府府丞

遷○丙午諭兵部茲因地方底定平西王吳三桂平南王尙可喜

靖南王耿精忠各具奏請撤安插已允所請令其搬移前來地方應行事務及兵馬機宜必籌畫周詳乃爲善後之策應各遣大臣

一員前往會同該藩及總督巡撫提督商確作何布置官兵防守地方並照該管藩等起行應差官員職名開列具奏○己酉諭吏部國家設立言官專司耳目凡政治得失民生利弊必須詳切條陳直言無隱斯爲稱職若但敷衍虛文浮冗勦襲或以不急之務草率塞責非朕廣開言路之意今將科道官親加考試其留用各員著益加勉勵殫心盡職以副委任內石文郁范時起何名揚才庸無文不稱言職著革職○壬子差侍郎折爾肯學士傳達禮往雲南戶部尙書梁清標往廣東吏部右侍郎陳一炳往福建經理各藩撤兵起行事宜○乙卯命侍衛傳諭福建總督范承謨爾向有賢聲與他人不同且福建邊疆重地海氛未靖爾其益加勉勵副朕委任於常例賞賜外加賜衣帽及內殿鞍馬一匹○諭吏部兵部雲南地屬遠疆今該藩官兵旣撤控制需人應專設雲南總

督一員添設提督一員責成專管料理爾部速議具奏○丙辰

上御觀德殿閱八旗射○丁巳諭禮部壇廟祭祀國家大典必儀

文詳備允符禮制乃可肅將誠敬昭格神明其致祭時辰齋戒處

所稽諸往代各有定制爾部詳察典例酌議妥確以聞○御史黃

敬璣奏旗下僕婢自盡者甚多請飭官民量加體恤或設法勸戒

部議久奉 上諭應再行申飭 上曰人命關係重大旗下奴僕

若撫恤得所豈肯輕生自盡嗣後令各加意愛養勿得偏責致死

爾部通行嚴飭○己未 上御經筵○辛酉 上御弘德殿講官

進講畢諭講官等曰文章以發揮義理關係世道爲貴騷人詞客

不過技藝之末非朕所貴也○ 上手詔諭平西王吳三桂曰自

古帝王平定天下式賴師武臣力及海宇甯謐必振旅班師休息

士卒俾封疆重臣優游頤養賞延奕世寵固河山甚盛典也王夙

篤忠貞克摠猷畧宣勞勩力鎮守巖疆釋朕南顧之憂厥功懋焉
但念王年齒已高師徒暴露久駐遐荒眷懷良切近以地方底定
故允王所請搬移安插茲特遣禮部侍郎折爾肯翰林院學士傅
達禮前往宣諭朕意王其率所屬官兵趣裝北來慰朕眷注庶幾
旦夕覲止君臣偕樂永保無疆之休至一應安插事宜已飭所司
飭庀周詳王到日卽有甯宇無以爲念○遣侍衛傳諭折爾肯傳
達禮因爾等遠往雲南料理遷移事務特賜朕所佩刀各一口良
馬各二匹○命戶部侍郎達都會同盛京戶部侍郎奉天府府尹
察看安插三藩地方○壬戌議政王大臣等議奏投誠官兵募化
來歸若移駐別省則離故鄉親戚未免苦累以後將投誠官兵停
其移駐從之○癸亥 上御弘德殿講官進講畢諭講官曰致治
之道不宜太驟止合日積月累久之自有成效朕平日讀書窮理

總是要講求治道見諸實行不徒空談耳○甲子 上幸郊外觀穫○河道總督王光裕丁父憂命在任守制

九月戊辰禮部尙書龔鼎孳以病乞休允之○辛未諭吏部向來定例外官告病不准起用原以防其規避但其中才品優長政績素著者迫於一時至情引例告歸終身棄置深爲可惜宜令地方督撫確行諮訪果有才品堪用者據實保奏以憑擢用○調鄂善爲雲南總督由陝西調○甲戌詔奉差官毋擾驛地○乙亥京師地震○諭起居注官胡密色朕適詣 太皇太后宮問安 太皇太后

問朕曰頃者地動爾知之否朕奏曰此乃天心垂異以示儆也

太皇太后諭曰人君遇有災異固當益加修省然亦在平時用人行政敬承天意耳朕仰繹 慈訓誠爲克謹天戒之要也爾其書

諸冊○調吳正治爲禮部尙書

由工部調

○己卯御史馬大士奏今者

地震京師天心示儆請敕下大小臣工洗心滌慮恪供職業至於邊疆重地有富思患豫防者尤宜綢繆未雨以爲久安長治之謀庶人事盡於下天心格於上矣得旨是變不虛生地動示儆皆由政治未協朕躬深爲怵惕力圖修省務期允當大小臣工亦著洗心滌慮省改前愆恪共職業共回天變○辛巳以冀如錫爲工部尙書由左都御史遷○壬午予故禮部尙書恩額得祭葬○甲申諭吏部等衙門國家致治首在崇尚寬大愛惜人才俾事例簡明易於遵守處分允當不致煩苛乃符明作惇大之治向來各部衙門俱定有處分條例已經頒行但其中款項太多過於繁密以致奉行者或以膠執爲守法或以苛索爲詳明或例所未載援引比附輕重失宜徒據成規罔原情理大小各官稍有過誤動觸文網雖具才能弗獲展布深爲可惜著部院各衙門將見行處分條例重加訂

正酌量情法刪繁從簡應去應留逐一分別詳議具奏○以陳秉

直爲浙江布政使

由江南按察使遷

李士禎爲福建布政使

由河南按察使遷

魏

執中爲福建按察使

由山西冀甯道遷

○乙酉以哈占爲陝西總督

由工部左

侍郎

○予故太子少保貴州安龍總兵官向化侯譚詣祭葬○庚

寅以劉鴻儒爲左都御史

由戶部右侍郎遷

○辛卯兵部督捕議奏逃人

定例得旨逃人在外娶妻所生之女若已經聘嫁不許拆散亦不

必向伊夫追銀四十兩給與逃人之主著爲例○癸巳予故左副

都御史左敬祖祭葬○甲午轉圖爾泰爲工部左侍郎以廖旦爲

工部右侍郎

由大理寺卿遷

○丙申禮部等衙門遵旨議覆查歷代祭祀

壇廟時辰俱無畫一詳定之處 太宗文皇帝時凡祭 壇 廟

用黎明夕月壇用酉時再查歷代致齋俱於別殿今凡遇祭祀

皇上應於別殿齋戒從之○是月免直隸青縣等五縣被災額賦

冬十月丁酉朔轉宋德宜爲戶部左侍郎調董安國爲戶部左侍

郎管右侍郎事

由禮部調

○戊戌

上御弘德殿講官進講畢諭講官

等人心至靈出入無鄉一刻不親書冊此心未免旁鶩朕在宮中

手不釋卷正爲此也○辛丑以覺羅沙賴伊桑阿俱爲內閣學士

俱由內閣侍讀學士遷

○癸卯

上御瀛臺閱武舉騎射○戶部議准江甯

巡撫馬祐奏淮楊地方清水潭石隄復決黃淮水勢瀾漫高寶等

一十八州縣衛所被災請行賑濟應敕總漕巡撫速動庫銀四萬

兩買米委官各處賑濟俟來年三月終止從之○甲辰賜郎天祚

等一百人武進士及第出身有差○乙巳

上御弘德殿講官進

講畢諭講官等人主勢位崇高何求不得但須有一段敬畏之意

自然不至差錯卽有差錯自能省改若任意率行畧不加謹鮮有

不失之縱佚者朕每念及此未嘗一刻敢暇逸也熊賜履奏曰

聖諭及此卽堯舜兢業之心也○轉張士甄爲禮部左侍郎以史
大成爲禮部右侍郎由內閣學士遷○已酉 上幸南苑行圍○上因科
臣納鼎奏京城內外時棄嬰兒命戶部議凡民間貧不能養棄所
生子或乳主人子而棄其子者皆善全之俾得長育其棄而不養
者嚴禁通飭八旗並包衣佐領及五城一體遵行○戊午 上還
宮

十一月丙寅朔諭刑部自古帝王欽恤民命務期獄無枉縱讞決
明允以成刑措之治朕每於秋決重犯特爲詳慎惟恐一夫有冤
以傷和氣向來朝審之例先期進呈招冊然後九卿科道會審覆
奏完結乃各省秋審奏本內止有節畧觀覽未能明晰又有秋審
後續到者不及入覆奏案內以致留俟來年殊爲不合以後各省
秋審應令照在京朝審例豫期造冊進呈亦著九卿科道會同覆

覈奏請定奪其造進呈招冊及奉旨結案行咨俱應限定日期爾部一併詳議定例具奏○丁卯故明宗族朱議深子身流落以蓄髮孥獲刑部論絞得旨朱議深係愚民無知著免死歸鑲白旗漢軍旗下給與妻室地畝房屋安插○戊辰以趙祥星爲山東巡撫

由大理寺卿遷

○己巳平西王吳三桂奏臣部下官兵家口三十年來蒙

恩養生齒日眾懇將賜撥安插地方較世祖章皇帝時所撥

關外至錦州一帶區處更加增廓庶臣部下官兵均霑浩蕩之恩

矣得旨王所屬官兵家口遷移遠來自應安插得所俾有甯居以

副朕懷此所請增賞地方著速議具奏○庚午諭戶部自古國家

久安長治之謨莫不以足民爲首務必使田野開闢蓋藏有餘而

又取之不盡其力然後民氣和樂聿成豐亨豫大之休見行墾荒

定例俱限六年起科朕思小民拮据開荒物力艱難恐催科期迫

反致失業朕心深爲軫念嗣後各省開墾荒地俱再加寬限通計
十年方行起科其所司官員原有議敘定例如新任官自圖紀敘
掩襲前功紛更擾民者各督撫嚴行稽察題參治罪○壬申諭侍
讀學士喇沙里朕在宮中博觀典籍見宋儒周敦頤太極圖義理
精奧實前賢所未發朕嘗極意探索究其指歸可命學士熊賜履
編修葉方藹張英修撰韓葵等各撰太極圖論一篇朕親覽焉○
甲戌發湖廣倉穀賑江陵等十三州縣饑○辛巳復設浙江驛傳
道○壬午裁江南徽甯道○丁亥以楊正中爲內閣學士由翰林院侍讀
學士○辛卯裁工部都水司漢主事四○癸巳以徐惺爲河南按
察使由湖廣武昌道遷崔維雅爲江南按察使由河南管河道遷○是月免直隸
霸寶坻江南六安贛榆等十四州縣衛水災浙江仙居等二縣旱
災額賦有差

十二月己亥諭內閣朕奉 太皇太后慈旨 世祖章皇帝博爾濟金氏三妃及董鄂氏妃久在宮闈敬謹夙著宜加封號以表令儀朕恪遵 慈諭今尊 皇考妃博爾濟金氏曰 皇考恭靖妃 皇考妃博爾濟金氏曰 皇考淑惠妃 皇考妃博爾濟金氏曰 皇考端順妃 皇考妃董鄂氏曰 皇考甯謚妃著會同禮部詳議典禮以聞○庚子諭禮部太常寺 壇 廟祀理宜虔肅今觀祭祀執事之人過多殊爲煩雜應酌量裁減務令肅清○辛丑諭吏部兵部國家用人宜先沈靜之才人臣服官首重廉恥之節邇來文武官員或因不得升遷或因不與差遣輒稱冤抑紛紛控告不過圖便己私原非從公起見縱屬應升應差而自爲辨白希求榮利廉恥之道已虧豈能修舉職業克副任使理宜嚴禁以肅官常○召八旗都統及六部滿尚書等諭曰滿洲乃國家根

本宜加軫恤近見滿洲貧而負債者甚多賭博雖禁猶然未止皆由都統副都統佐領等不勤加教諭之所致也且滿洲習於嬉戲凡嫁娶喪祭過於糜費不可勝言蒙古惑於喇嘛罄其家貲不知顧惜此皆愚人偏信禍福之說而不知其終無益也我 太祖

太宗時亦此滿洲也是時都統副都統佐領諸臣以今較之相去何如彼時行兵出獵諸役亦未嘗少於今時也然而不至負債食用饒裕者人能節儉故也爾等若能各修厥職不負委任禁嬉戲無益之事勸善懲惡則自然感化矣近見以佐領爭訟者甚多但知希圖榮貴而愛養所屬之道全然不知又或佐領下另戶之主不令披甲聽徇情面令家人披甲者甚多俱宜嚴行禁止或二三佐領或四五佐領酌量歸併將閒散滿洲令其披甲則滿洲壯丁各得食糧庶可稍資生理從來有治人無治法爾等其詳議以聞

尋都統圖海尙書明珠等議奏兵丁習於嬉遊凡喪祭婚嫁服用等事實爲過費此皆臣等不能統率教訓所致今敬遵諭旨此後各當嚴加訓誡滿洲蒙古都統下每一佐領除留一百三十人以上一百四十人以下外其餘丁另合爲佐領以後新買喀爾喀蒙古之人停其充入滿洲數內從之○乙巳禁直隸各省官吏毋得私稅市貨○己酉予故禮部尙書龔鼎孳祭葬諡端毅○庚戌內閣學士穆成額以疾乞休允之○辛亥命調浙江仁和錢塘二縣被火災民二千一百餘家○壬子以姚文然爲左都御史由兵部督捕右侍郎○癸丑諭吏部禮部致治之道首重人才儲養之源由於學校必衡鑒得人釐剔有法乃能革除積弊遴拔真材以彰文治之盛近聞直隸各省學差沿襲陋規嚙廢職業營私作弊考試不公以致真才淪棄文治不光今應作何整飭差遣何官及磨勘考覈

之法何以盡善務期永革弊端著九卿科道會同詳確議奏○甲寅吏部議覆御史馬大士奏各部堂官奏事時應令滿漢司官一體隨班入奏從之○禮部太常寺議覆凡祭壇廟執事之人及樂舞生今已遵旨酌量裁減再查會典祭祀時止有監察御史侍立之例其禮部漢堂官應各班次行禮停其壇上侍立得旨是○乙卯吏部奏廣東瓊州道兼攝學政今瓊州道范養民非由科目出身其瓊州學政應歸廣東學道管理從之○丙辰差往貴州備辦吳三桂夫船芻糗事務兵部郎中黨務禮戶部員外郎薩穆哈馳驛到京奏稱雲南貴州總督甘文焄向臣等言吳三桂於十一月二十一日殺雲南巡撫朱國治以所部兵反前差往搬移吳三桂家口侍郎折爾肯等被留臣等星夜馳驛來京上召議政王大臣等面議曰今吳三桂已反荊州乃咽喉要地關繫最

重著前鋒統領碩岱帶每佐領前鋒一名兼程前往保守荊州以固軍民之心並進據常德以遏賊勢前往官兵若沿途住歇秣馬必至遲誤著派戶部賢能司官於每日宿處齊備草豆應付其陸續遣大兵征剿之處著議政王大臣等速議具奏尋議奏派八旗滿洲蒙古每佐領前鋒各一員護軍各七名驍騎各十名漢軍每佐領驍騎各五名官員酌量兵數派出從之○丁巳四川湖廣總督蔡毓榮奏吳三桂反僞稱天下都招討兵馬大元帥以明年甲寅爲周王元年貴州提督李本深叛應之前同黨務禮等差往貴州兵部主事辛珠與筆帖式薩爾徒不及行俱不屈死雲南貴州總督甘文焜聞變倉卒出貴陽府將十餘騎自隨日夕行數驛十二月初八日至鎮遠府鎮遠橋守將已應賊率兵圍之甘文焜度不免手刃其子遂自刎筆帖式亞圖華珊亦自殺貴州巡撫曹申

吉降賊兵遂偏鎮遠漸入楚境奏入報聞蔡毓榮又奏先經甘文焜手書與臣密報吳三桂反狀臣隨調沅州總兵官崔世祿等疾赴貴州守禦令彝陵總兵官徐治都永州總兵官李芝蘭各率兵繼進復慮楚省兵單檄南汝總兵官周邦甯赴楚應援下兵部知之○停撤平南靖南二藩召梁清標陳一炳還○諭兵部雲南提督桑峨調爲湖廣提督總統協鎮兵馬鄂善暫留湖廣與蔡毓榮商酌機宜力圖勦禦以固地方○以廣西境鄰貴州授孫延齡爲撫蠻將軍以線國安爲都統令統兵固守○命西安將軍瓦爾喀進四川諭曰四川與滇省接壤今吳三桂已反爾可率副都統一員悉領騎士選撥將領星馳赴蜀凡自滇入川險隘之地俱行監守大兵不日進剿雲南俟我師臨境賊勢漸分儻有可乘之機爾卽與提督相機進討至於西安等處朕當剋期遣發勁旅前來

駐防○吏部等衙門遵旨會議磨勘學差試卷之法直隸各省學臣所解之卷不能無改謄潤色且因解卷以致請託亦未可知相應停其解卷磨勘俟三年期滿督撫以稱職薦舉者照例以參議道用以公明尤著保舉者照例內升京堂若有徇情溺職等弊應聽督撫指名題參若督撫徇情不參被科道糾參或有別官首出將督撫一併議處從之○奸民楊起隆詐稱朱三太子糾黨謀叛約於京城內外放火舉事鑲黃旗監生郎廷樞家人黃裁縫正黃旗周全斌子周公直家人陳益等與焉是日郎廷樞察知其事隨拏其家人黃裁縫等四人首告周公直亦呈首有素不識面兇惡之徒三十餘人在於伊家正黃旗都統圖海祖永烈等親領官兵圍周公直家鑲黃旗副都統紀哈里等亦親領官兵往捕賊陳益等放火拒捕鑲黃旗拜他喇布勒哈番鄂克孫首先入內官兵繼

進擊獲陳益等復廣爲按捕共獲賊數百人楊起隆逃去所獲賊黨俱下三法司勘問○戊午諭吏部兵部吳三桂背恩反叛其原係伊藩下文武官員人等在直隸各省出仕及閒住者恐因吳三桂反叛心懷疑畏致罹法網有負朕撫育好生之意伊等原係朕之官民叛逆之事與伊等並無干涉雖有父子兄弟見在雲南亦概不株連治罪自今以後各宜安心守職毋懷疑慮爾部通行曉諭○諭戶部前出征兵丁各給銀十兩今出兵甚速不比往時恐有窮困兵丁稱貸辦裝除給銀十兩外再各增給十兩其委署章京之護軍校驍騎校以下護軍撥什庫甲兵弓匠以上各給銀二十兩鐵匠等亦各增給銀十兩○除江南邳州濱河被水田賦○已未命順承郡王勒爾錦爲甯南靖寇大將軍總統諸將貝勒察尼都統覺羅朱滿鄂內伯宜理布覺羅巴爾布護軍統領伊爾度

齊額司泰前鋒統領碩岱參贊軍務都統范達禮王國詔副都統
魯西巴圖魯託岱穆舒渾希福阿晉泰肯齊赫蘇虎濟根特祖澤
純宜思孝柯彝趙賴等同往○議政王大臣等議奏欽奉 上諭
以吳三桂屬下散處直隸各省官員不知逆情概從寬宥今除此
等不議外至吳三桂子吳應熊見在京城其隨從官員知情亦未
可知此等與在外官員不同不便從寬應請拏問得旨朕意本欲
寬宥爾等既以爲不便從寬著暫行拘禁事平分別請旨定奪○
庚申諭議政王大臣等大臣等大兵進攻楚蜀若須援兵自京發遣難以
驟至且致士馬疲勞兗州地近江南江西湖廣太原地近陝西四
川均屬東西孔道可發兵駐防秣馬以待所在有警便卽時調遣
可令副都統馬哈達領兵駐兗州擴爾坤領兵駐太原○辛酉命
直隸各省巡撫仍管軍務各設撫標左右二營○壬戌詔削吳三

桂爵宣諭雲貴文武官員軍民人等曰逆賊吳三桂窮蹙來歸我世祖章皇帝念其輸款投誠授之軍旅錫封王爵盟勒山河其所屬將弁崇階世職恩賚有加開闢滇南傾心倚任迨及朕躬特隆異數晉爵親王重寄干城實託心膂殊恩優禮振古所無詎意吳三桂性類窮奇中懷狙詐寵極生驕陰圖不軌於本年七月內自請搬移朕以吳三桂出於誠心且念其年齒衰邁師徒遠戍已久遂允奏請令其休息仍飭所司安插周至務使得所又特遣大臣前往宣諭朕懷朕之待吳三桂可謂禮隆情至蔑以加矣近覽川湖總督蔡毓榮等奏稱吳三桂徑行反叛背累朝豢養之恩逞一旦鴟張之勢橫行兇逆塗炭生靈理法難容神人共憤今削其爵特遣甯南靖寇大將軍統領勁旅前往撲滅兵威所至剋期蕩平但念地方官民人等身在賊境或心存忠義不能自拔或被賊

驅迫懷疑畏罪大兵一到玉石莫分朕心甚爲不忍爰頒敕旨通行曉諭爾等各宜安分自保無聽誘脅卽或誤從賊黨但能悔罪歸誠悉赦已往不復究治至爾等父兄弟親族人等見在直隸各省出仕居住者已有諭旨俱令各安職業並不株連爾等毋懷疑慮其有能擒斬吳三桂投獻軍前者卽以其爵爵之有能誅縛其下渠魁及以兵馬城池歸命自效者論功從優敘錄朕不食言爾等皆朕之赤子忠孝天性人孰無之從逆從順吉凶判然各宜審度勿貽後悔地方官卽廣爲宣布遵行○諭陝西總督哈占提督張勇王輔臣等逆賊吳三桂儻有僞札僞書潛行煽惑當曉諭官兵百姓令其舉首上聞爾等係擢任股肱之臣捍禦邊境綏輯軍民惟爾等是賴其悉知朕意○命都統赫業爲安西將軍率兵同將軍瓦爾喀等由漢中入蜀護軍統領胡禮布爲副將軍偕署

前鋒統領穆占副都統顏布往○命兵部申明紀律兵丁擾民者
罪之○禁民間養馬○察哈爾親王布爾尼等朝正聞吳三桂反
爭請獻所攜馬匹助軍復有願率所部兵隨大兵進討者諭曰吳
三桂本爲流寇所迫勢窮來歸之人朕推置腹心委以重任累進
親王子爲額駙恩養至此尙行反叛負國已極今已遣大兵進剿
吳三桂雖反亦將安往朕與爾等亦同一體如有需用爾等之處
可俟春回草青時再聽調遣○是月免湖廣瀏陽等三縣旱災江
南高郵衛水災賦十之三○是歲朝鮮暹羅來貢○人丁戶口一
萬五千六百二十七頃八十三畝徵銀二千五百六萬四千二百
一十五兩六錢有奇米豆麥六百二十四萬三千三百八石七斗
有奇草二百二十九萬一千三百六十五束茶十六萬八千三百

四引行鹽四百四十四萬一千二百七十四引徵課銀二百七十九萬二千七百五兩三錢有奇鑄錢二萬九千三百四十七萬六千六百八十有奇